



Regional cooperation for
**better social inclusion
at local level**



Poziv za prijavu

Pružanje podrške jedinicama lokalne samouprave za sprovođenje socijalnog mapiranja i implementaciju usluge dnevnog centra za djecu s poteškoćama u razvoju

Savez općina i gradova Federacije Bosne i Hercegovine poziva sve zainteresovane jedinice lokalne samouprave da uzmu učešće u regionalnom projektu "Regionalna saradnja za bolju socijalnu inkluziju na lokalnom nivou" (*Regional cooperation for better social inclusion at local level*) koji implementiraju Mreža asocijacija lokalnih vlasti jugoistočne Evrope (NALAS) i asocijacije lokalnih vlasti sa Zapadnog Balkana. Projekat se provodi u saradnji sa Deutsche Gesellschaft für Internationale Zusammenarbeit (GIZ) u ime Njemačkog Saveznog ministarstva za ekonomsku saradnju i razvoj (BMZ).

Opis projekta

Projekat pruža priliku za **dvije jedinice lokalne samouprave**, u pogledu tehničke podrške za jačanje kapaciteta u okviru projekta sa sljedećim aktivnostima:

- sprovesti LNOB (*Leave No one Behind – Nikoga ne zapostaviti*) socijalno mapiranje za identifikaciju djece s poteškoćama u razvoju kao ugrožene ciljne grupe i njihovih potreba sa akcentom na potrebe osoba s poteškoćama u razvoju koje su ženskog spola,
- pripremiti Izvještaj o socijalnom mapiranju i donijeti preporuke zasnovane na dokazima, kao i socijalne mjere/usluge neophodne za zadovoljenje potreba djece s poteškoćama u razvoju.
- integrirati preporuke zasnovane na dokazima i socijalne mjere/usluge u lokalne politike, kao što su lokalni akcioni planovi i programi za socijalnu zaštitu,
- uspostaviti (ili podržati već postojeći) dnevni centar kao uslugu u zajednici koja će pružati usluge djeci s poteškoćama u razvoju, s posebnim uslugama koje se odnose na osobe ženskog spola.

Za implementaciju gore navedenih aktivnosti, Savez općina i gradova Federacije Bosne i Hercegovine će pružiti podršku odabranim JLS u sprovođenju sveobuhvatnog istraživanja za identifikaciju djece s poteškoćama u razvoju kao ugrožene ciljne grupe i njihovih potreba primjenom metodologije LNOB socijalnog mapiranja. U procesu pripreme za istraživanje i njegovog sprovođenja, JLS će imati podršku od strane lokalne konsultantske kompanije koju će angažovati Savez općina i gradova Federacije BiH. U cilju povećanja znanja o metodologiji LNOB socijalnog mapiranja, odabrane JLS i konsultantska kompanija će biti u obavezi da pohađaju online kurs koji organizuje NALAS putem svoje e-Akademije. Kurs će biti organizovan na bosanskom/hrvatskom/srpskom jeziku. Na osnovu nalaza i zaključaka koji će proizaći iz sprovedenog istraživanja i izvještaja, odabrane JLS će dobiti podršku od konsultantske kompanije u procesu usklađivanja





nalaza istraživanja sa postojećim lokalnim politikama socijalne zaštite (akcioni planovi/programi, strategije i sl.).

Savez općina i gradova FBiH će podržati odabrane JLS u procesu uvođenja i pružanja usluga dnevnog centra u zajednici za djecu s poteškoćama u razvoju. Također, Savez će za predstavnike odabranih JLS organizovati aktivnosti jačanja kapaciteta za uspostavljanje i pružanje usluga dnevnog centra te će uspostaviti mrežu za učenje o dnevnim centrima uz stručnu pomoć resursne osobe koju angažujemo. Mreža za učenje je metoda peer-to-peer učenja koja se oslanja na iskustva JLS uključenih u projekat i znanja i iskustva resursne osobe. U okviru mreže za učenje bit će organizovana tri događaja razmjene znanja, na kojima će članovi mreže imati priliku da razviju concept za uspostavu i implementaciju aktivnosti vezanih za dnevne centre. Prije nego mreža za učenje započne sa svojim aktivnostima, bit će održan jednodnevni trening o dnevnim centrima kao uslugama u zajednici za odabrane JLS i druge zainteresovane JLS.

Jedinice lokalne samouprave se podstiču da uvedu i pružaju usluge dnevnih centara tako što će angažovatiiskusnu lokalnu organizaciju civilnog društva (OCD) ili općinski centar za socijalni rad u svojstvu pružaoca usluga. Odabrana organizacija civilnog društva ili odabrani centar za socijalni rad će također biti aktivno uključeni u sve projektne aktivnosti i mjere jačanja kapaciteta.

Pored pokrivanja troškova za provođenje socijalnog mapiranja i mjera jačanja kapaciteta (online kurs, obuka i mreža za učenje), sredstva vezana za aktivnosti i usluge dnevnog centra za djecu s poteškoćama u razvoju (aktivnosti jačanja kapaciteta i/ili nabavka opreme) obezbijedit će Savez općina i gradova FBiH u iznosu od 8.000 EUR po JLS. Kako bi se osigurala održivost usluge, od JLS se podrazumijeva pokrivanje troškova plate uposlenika JLS i uposlenika odabranog pružaoca socijalnih usluga.

Od odabranih JLS se očekuje velika posvećenost i aktivno učešće najmanje dva predstavnika općinske/gradske uprave u projektnim aktivnostima, za vrijeme trajanja čitavog projekta. Također se od JLS očekuje da uspostave saradnju/partnerstvo sa lokalnom organizacijom civilnog društva ili centrom za socijalni rad koji će biti odgovorni za pružanje usluga dnevnog centra. Osim toga, od JLS je poželjno i sufinansiranje aktivnosti koje se odnose na uvođenje i pružanje usluga dnevnog centra kako bi se osigurala održivost pristupa.

Kalendar aktivnosti

Aktivnost	Učesnici	Vremenski okvir
Učešće na online kursu "LNOB socijalno mapiranje i kreiranje politika zasnovanih na dokazima"	Predstavnici JLS, pružalac socijalnih usluga (OCD ili CSR) i konsultantska kompanija (za sprovođenje socijalnog mapiranja)	Sredina maja – kraj juna 2023
Pripreme za sprovođenje socijalnog mapiranja	Predstavnici JLS, pružalac socijalnih usluga (OCD ili CSR) i konsultantska kompanija (za sprovođenje socijalnog mapiranja)	Juli – Septembar 2023
Sprovođenje socijalnog mapiranja	Predstavnici JLS i konsultantska kompanija	Septembar – Decembar 2023
Priprema Izvještaja o socijalnom mapiranju i izrada preporuka	Predstavnici JLS, pružalac socijalnih usluga (OCD ili CSR) i konsultantska kompanija (za sprovođenje socijalnog mapiranja)	Januar – Mart 2024
Usklađivanje preporuka i mjera sa lokalnim politikama socijalne zaštite	Predstavnici JLS i konsultantska kompanija	Mart – April 2024



(akcioni planovi i program i sl.)		
Pohađanje treninga o dnevnim centrima	Predstavnici JLS, pružalac socijalnih usluga (OCD ili CSR)	April – Maj 2024
Učešće na tri događaja razmjene znanja u sklopu mreže za učenje o dnevnim centrima	Predstavnici JLS, pružalac socijalnih usluga (OCD ili CSR)	April 2024 – Mart 2025
Razvoj koncepta za uvođenje i pružanje usluga dnevnog centra	Predstavnici JLS, pružalac socijalnih usluga (OCD ili CSR)	Maj – August 2024
Implementacija aktivnosti vezanih za dnevne centre	Predstavnici JLS, pružalac socijalnih usluga (OCD ili CSR)	Septembar 2024 – Mart 2025
Izrada izvještaja o uvođenju usluge dnevnog centra	Predstavnici JLS, pružalac socijalnih usluga (OCD ili CSR)	Mart 2025

Proces primjene

Kako bi se osigurala podrškaza što veći broj JLS i ranjivih grupa stanovnika u regionu Zapadnog Balkana, projekat želi da ohrabri JLS koje nisu učestvovala u SoRI 2 projektu (2019-2022) da se prijave.

JLS se podstiču da uspostave dnevne centre za djecu s poteškoćama u razvoju ili da uvedu nove usluge za djecu s poteškoćama u razvoju u okviru već postojećih dnevnih centara, s posebnim fokusom na usluge za djevojčice s poteškoćama u razvoju.

Zainteresovane JLS će zajedno sa centrom za socijalni rad ili organizacijom civilnog društva koja je pružalac navedenih usluga popuniti prijavni obrazac.

Od jedinica lokalne samouprave koje su zainteresovane se očekuje sljedeće:

- Da su motivisane, posvećene i spremne da učestvuju i primijene čitav proces, počevši od aktivnog učešća na obukama, identifikaciji potreba (socijalno mapiranje), donošenja odluka o politikama (usklađivanje nalaza socijalnog mapiranja sa općinskim strateškim/akcionim planovima) i implementaciji socijalnog pristupa – dnevni centri za djecu s poteškoćama u razvoju, s fokusom na djevojčice s poteškoćama u razvoju
- Da redovno pripremaju, usvajaju i ažuriraju lokalne dokumente socijalne zaštite (dugoročni programi/strategije i godišnji akcioni planovi/programi rada) koji se izrađuju na osnovu sprovedenog socijalnog mapiranja i u skladu sa dokumentima na nacionalnom nivou te da redovno izdvajaju sredstva u svom lokalnom budžetu za usluge socijalne zaštite.
- Da obezbijede finansijski doprinos cjelokupnom budžetu projekta neophodan za implementaciju socijalnog pristupa (uspostavljanje i vođenje dnevnog centra) i nakon završetka projekta kako bi se osigurala održivost usluge
- Da imaju prethodno iskustvo u partnerstvu sa lokalnim organizacijama civilnog društva, konsultantskim kompanijama ili centrom za socijalni rad kao institucijama koje posjeduju iskustvo u provođenju socijalnog mapiranja, s poželjnim iskustvom sa LNOB metodologijom
- Da imaju prethodno iskustvo u partnerstvu sa lokalnom organizacijom civilnog društva u pružanju socijalnih usluga.
- Da imaju kompetentnu i iskusnu organizaciju civilnog društva kao pružaoca usluga koja djeluje na lokalnom nivou; poželjno da ova organizacija već ima neku vrstu ugovora sa JLS ili višim, centralnim nivoom vlasti za pružanje usluga iz oblasti socijalne zaštite i
- Da imaju dovoljno administrativnog osoblja/strukturu (službu ili odjel) odgovornu za poslove socijalne zaštite – priprema, implementacija i praćenje pitanja socijalne zaštite. JLS treba da delegira ukupno dvije osobe koje će učestvovati u projektnim aktivnostima.



Call for applications

Support to Local Governments for conducting Social Mapping and
implementation of Social Approach

Zainteresovane JLS će popunjen Prijavni obrazac koji se nalazi u prilogu poziva dostaviti na mail savez@sogfbih.ba, najkasnije do **18. maja 2023. godine**. Potrebno je da Prijavni obrazac bude **potpisan** od strane **načelnika/gradonačelnika jedinice lokalne samouprave**, kao i **ovlaštenog potpisnika organizacije civilnog društva ili direktora/ovlaštenog potpisnika centra za socijalni rad**.

Proces odabira

Evaluaciju pristiglih prijava i odabir dvije jedinice lokalne samouprave koje će biti podržane u realizaciji projektnih aktivnosti obaviti će Savez općina i gradova Federacije Bosne i Hercegovine.